




## UN DIADOMINGO PA NO LUBIDA

# TRES PISCADORNAN DI "GLADYS" RICIBI CU JORAMENTO DEN BRAZA DI QUERIDONAN



Riba e portret aki e tresnan: Robert Rasmijn, Beto Solognier, y Hermes van den Berg.

## Padu del Caribe cu sunchi y musica como un heroe

*Pianista Arubano a keda impresiona di  
un homenaje asina grandi*

ORANJESTAD — Poco biaha e mannan di Padu del Caribe, o kizas henter su curpa, sa tembla sin cu no ta riba e piano. Pero ayera mainta mirando asina tanto cientos di hende cu a bin contrela na su jegada na aeropuerto despues di un estupendo actuacion via Radio Caracas Television na unda nan a otorgel pa su musica sublime e „piano de oro”, Padu tabata tembla di alegria, di emocion y bau di impresion di e caluroso bienvenida, cu sunchi, musica y canto, e pueblo di Aruba a duna un di su jiuinan cu mas a distinguele den e mundo di musica y cu ayera a hanja tur e atencion cu un heroe nacional merece. Y Padu pa hopi tempo caba a merece esaki.

E pueblo di Aruba den e edificio di aeropuerto tabata spera riba jegada di un otro Zavarce. Pero un Zavarce cu a nae aki, famia aki, sinja e musica di aki y haci e conoci mas leu den Antillas y despues di esey den e demas paisnan den Caribe.

**F A T U M — Tel.: 1845**  
pa tur bo aseguronan

Ta Padu del Caribe. kende ayera mainta a regresa cu avion di Delta Airlines for di Caracas Venezuela, na unda despues di e duna un siman largo showman cu su piano, a ricibi un ovacion tremendo aya. E ovacion ey tabata pa e motibo cu Padu den varios di su presentacionnan aya anteriormente semper a laga nos biniha nan den Sur aplaudi su musica. Hasta na momento cu Padu tabata dirigi su negoshi Elinco y tabata kibra cabez riba problemanan di politica, ya cu algun siman pas, el a bira miembro di Eilandraad pa AVP, su disconan tabata top-hit na Venezuela. Y ora cu e siman pasa el a bolbe pa Caracas pa bolhe cumpli cu un contrat, nan a prepara un sorpreso pe. Na final di su contrato e representante di RCA-Victor na Caracas a presente e „Piano de Oro”, un distincion cu solamente p'anistanan di un calidad hopi hal-

to por ricibi. Padu tambe por conta su mes awor entre e „haltonan” aki. Un Arubano cu a sali y cu no tabatin miedo di expresa riba su piano e composicion propio di e musica Antillana, cu ta asina noto aclamá den exterior.

### Bienvenida mereci

Ta pa e hecho aki tambe cu Padu a merece cu ayera mainta cientos di hende for di nos poblacion a jeta e edificio di aeropuerto Princesa Beatrix pa dunele un homenaje nuba ainda ricibi pa cualkier otro artista local. E pueblo di Aruba a demostra na nu manera unico como pa ricibi aristanan di alta calidad, principalmente ora cu esaki ta trata di nos propio jiuinan.

Peseu tambe, ora cu Padu a aparece riba trapi di e avion y a mira e multitud cu mesora a contrela cu un „Biba Padu”, e no por a haci otro cos cu habri su brazanan hanchu y cu minza saluda tur banda cu luego el a termina den un sunchi. Un delegacion grandi di srs. Piña Lampe y Hubert Booi di Voorlichtingsdienst, kendenan a tuma gran parti di organiza e homenaje aki pa Padu, sr. G. Berry di Aruba Caribbean Hotel, sr. J. de Castro di Sociedad Bolivariana, sr. Godfried Eman, Frere Aelxius di „De

Sigi lesa pag. 2

ORANJESTAD — Henter atencion di Aruba tabata dirigi ayera mainta na aeropuerto Princesa Beatrix na unda acontecimiento nan alegre y triste a tuma lugar alavez. Despues cu Padu del Caribe a hanja un ovacion tremendo na su jegada for di Venezuela y mescos tambe e prome Ministro di Hulanda prof. dr. J. E. de Quay e mainta a hanja un aspecto di lo mas tristo mira te ainda na Aruba, ora cu e tres sobrevivientenan di e beto di piska „Gladys” a jega Aruba den e mes un avion. E saludo cu nan a hanja for di e momento di bandona e avion di K.L.M. for di famianan y conocirnan tabata indescriptible. Tabatin hopi lagrimanan.

## PISKA CURU, YERBA, PANJA Y PAPEL E UNICO CUMINDA RIBA LAMAR

Lagrimanan di alegria pa regreso di e tresnan na bida y di tristeza pa e morto di Vicente Solognier. „Mi a haci tur cos pa salbele, pero mi no a logra” tabata palabra cu Beto Solognier, ruman major di Vicente a expresa bau di llanto den braza di su famianan. E vista di un famia den tristeza cu a sigi despues riba aeropuerto a sofoca hopi corazonnan.

## Bestuurscollege y gran parti di pobla- cion tabata presente na aeropuerto

Pafor di aeropuerto polis tabatin man jen pa contene e multitud grandi cu a bini pa mira con e situacion tabata di e tres di e piskadornan cu a defende nan mes bon den un aventura di lo mas dramático riba lamar. Grandi tabata e tristeza di famianan Solognier, Van de Berg y Rasmijn ora cu nan tabata hiba e tres piskadornan teni den braza pa nan residencia. E tension tabata asina grandi cu pronto un di e rumannan, Dominico Solognier, no por a contene su mes mas y a bai flauw. Manan fuerte di famia y empleadonan di K.L.M. a cargale hiba. Rato despues tabata otro ruman mas chikito kende a sigi e ejemplo di Dominico, y atrobe tabatin pesonanan dispuesto pa juda e famia aki den nan sufrimento.

recuperacion pronto. E procesion tristo cu tabata pasando den hall di aeropuerto a commovi hopi y for di tur skianan por a tende hendenan muher, desconocidos completo di e tres piskadornan, jora amargamente. Muchanan chikito y hende muher principalmente a keda jora te na momento cu e tres piskadornan, delega, cansa y cu falta di sonjo, a drenta e auto cu a hiba nan pa e cas, cu manera Beto Solognier a bisa: „nos no a pensa di mira nunca mas”.

### Na cas atrobe

Si e jegada na aeropuerto tabata tristo tanto mucho mas ainda e tabata na residencia di e majornan di e fallecido Vicente Solognier y su ruman Beto na Zeewijk 74. Famianan cu no por a bini aeropuerto a keda cas pa ricibi e piskadornan cu braza habri.

Y no tabatin otro manera pa haci esaki cu no tabata cu lagrimanan na wowo. Un d e piskadornan, Hermes van de Berg, a keda Playa Parca su majornan, mientras cu Beto Solognier y Robert Rasmijn a hanja na cas e atencion, debida di famianan. Un dokter tabata necesario na cas di e Sologniernan ya cu e momento tabata mu- cho grandi pa algun di nan.

Y cu nan tabata sin atrobe den e cas cu nan a bandona 19 dia pasa. Beto Solognier, esun mas recuperá y cu mas gana di papia y Robert Rasmijn, keto y cabez abau. Den kambernan famianan a sigi jora e desaparicion di Vicente.

### Bida di miseria riba lamar

Cada rato bisinja y conocirnan tabata drenta pa muestra nan carino cu jegada die piskadornan. Sonjo tabata ataka Robert Rasmijn y famianan mester a bibele cas, lagando Beto Solognier so pa conta nan aventura tristo riba lamar. Despues di a bebe un plato cajente di soppe, prepara na cas. Beto tabata e Beto di semper. E tabata sintie sigur atrobe. Bau di un dak sin peliger y rondona pa famianan. E tabata contento di tabata na cas atrobe, cu riba cada pia un ju. Esaki no obstante cu su mannan no tabata cos di mira di tanto caio y su pianan tabata bincha muy probablemente pa motibo cu nan a hanja mo- vecion despues di tanto dia riba la-

E ta sigi pag. 2



Dominico Solognier, e ruman despues di e fallecido Vicente, no por a contene mas e tristiza di su famia ayera mainta, y na un dado momento a perde conovimento. Amigeanan a cargale hiba na un lugar mas sigur.

Principalmente pa esnan mas chikito Padu del Caribe tabatin un sunchi ora cu nan a entregel un boeket. Aki nos ta mirele na momento di bai gradeli e chikita aki.



Tabatin tambe Gezaghbeber F. J. C. Beunjon cu Bestuurscollege completo pa saluda e tres piskadornan y descanan un



GELUK EERST DAN

met een ring

van

KAN

Renchi di casamento di Fl. 12.50 p'ariba  
Nos ta gruba gratis mientras bo ta warda!



# DENNIS DE SCHRIK VAN DE BUURT



„Wil je mij zeggen dat meneer Wilson terwille van mij wilt verhuizen? BEN JE NOU GEK?”

„Bo kier bisa mi cu ta pa mi motibu senior Wilson kier muda pa otro lugar? „TA LOCO BO TA?”

## HINDERVERORDENING ARUBA

De Gezaghebber van het eilandgebied Aruba brengt ter openbare kennis dat door R. Haakmeester-Lacle een verzoek is ingediend tot het verkrijgen van een vergunning tot het oprichten en in werking brengen van een banketbakkerij in het perceel Nassaustraat 75c te Oranjestad.

De betreffende stukken liggen vanaf heden gedurende dertig dagen ter inzage op het Bestuurskantoor.

Eer: ieder kan binnen de voorgestelde termijn zijn bezwaren mondeling of schriftelijk naar voren brengen.

Oranjestad, 25 maart 1961.

De Gezaghebber voornoemd,  
F. BEAUJON.

## TE HUUR BERGPLAATS TE DAKOTA

VOOR INLICHTINGEN: TEL. 1048 of 1786

# E tres piscadornan

Cont. di pag. 2

mar. „Esaki ta pasobra mi a tene e timon tur e dianan cu e pasa”, el a bisa, mustrandu e presentenan su man dreci tur maltrata. Asina Beto a hantjele ta conta heater e historia, despues cu preguntanan a cuminsa sali di tur banda. Pero prome cu tur cos e mester a saluda pastoor Erkamp di San Nicolas, kende atrobe a bin desea e famianan forza den nan sufrimento. „Dos dia prome e boto a bai awa”, Beto a sigi conta despues di un reparacion di algun luna.

No tabata nos intencion di bai leuw, ta pesey nos no tabata hopi awa abordo ni tampoco nos a hiba e motor di reserve cu tin pariba di cas ey. Pa oshor di mainta di dia 3 maart e motor a nenga, y a sigi ninga no obstante tur e intencionnan huci. Na e momento ey nos tabatin dos hora cabu riba lama. „Glady’s” a cunfinza ta bai cu e coriente y asina a keda dref den direccion West d’ Aruba. Henter dia bau di un solo cajente. Nochi a drenta y ya for di hora ey cabu nos a sinti cu nos tabata perdi. Pa tres or di marduga nos a perde Aruba for di bista. Y asina e dianan a sigi pasa y e piscadornan no por a haci nada otro cu sigi e direccion cu e coriente tabata hiba nan. „Nos no a mira nada di boto o avion di Antillas cu a sali pa buseca nos”. Beto a contesta riba un pregunta cu si nan por a mira algo di avion o boto cu tabata en busca di nan. Di cuater dia, despues di a wanta hamber y sed tur es tempo, e hombernan abordo d’ Gladys a cuminsa hebe awa di lama. Na e momento ey ya Van de Berg y Rasmijn tabata drumi marea den e parti adlanti di e boto sin sabi di nada.

E difunto Vicente Solognier na principio no por a bebe awa di lama y tabata saeale atrobe. Mesos tambe tabata e caso ora cu nan a coge un piska „dorow” y Beto, Hermes y Robert a come e higa di e piska. E difunto si no a come ya cu su stoema no por a wanta esaki. Yehanan cu tabata pasa riba awa e hombernan tabata bula riba nan y coge nan trece abordo pa come. „Pania y papel tambe nos tabata come pa asina nos stoema por a keda ta traha”. Beto a conta y mesora el a laga sigi su tras „mare mi por a hanja un pida pa come awor”, demostrando asina cuanto hamber nan tabata sinti abordo.

E tabata corda tambe cu su ruman difunto tabata blo pidiela awa pa bebe, pero awa dushi. Esaki e no tabatin, pero pa consola Vicente, kende mesos cu e otro dosnan a cuminsa ta perde forza, e tabata gancjele cu e tabata mira tera y cu pronto nan lo hanja awa. Tres biahu pa dia e cuater hombernan tabata reza na Dios y nan mama difunto pa salbacion.

Di diez dia riba lama nan a hobe coge algun piska. Nan a come higa atrobe y e carni di e piska nan tabata pers na otro pa hanja awa di bebe for di dje. „Nan ta bisa cu den e carni aki tin awa dushi”, segun Beto. No menos cu cinco bapornan a mira den anochi di e diezcinco dia. Sinjalnan S.O.S. cu nan tabata haci cu e luznan den top di „Gladys” no tabata ser mira pa e bapornan, ya cu nan tabata mucho leuw. „Y cada biahu cu e bapornan tabata disparece por completo

for di bista nos tabata jora amargamente. Asina nos speranzanan tabata cabando poco poco. Mi no por sconde cu no solamente mi a reza sino cu mi a jora pa dianan largo”. Beto a bolbe bisa. Por ultimo, ora cu Vicente tabata blo pidi awa dushi. Beto no por a haci nada o ro cu habri e parti ariba di e tanki di gasoline y marele riba dak ji „Gladys” pa encaso cu awacero por a cai e hanja awa pa bebe. „Tur mainta e tabata subi waak si tin awa den e tanki, pero nada di awacero. Ta te riba e anochi cu nos a ser salba y cu nos a jega Colon un awacero fuerte a cai, cu no a laga ningun hende sali for di nan cas.”

## Nochi di salbacion


Tur speranzanan di salbacion for di den lama e tripulacionan di „Gladys” a perde. Tres dia nan tabata zwak tira den e boto. Nan pianan nan tabata tira forza mas y ta lasta nan tabata lasta. Nan uria, y tur otro cos mas nan tabata pone abordo mes. „Si nos a keda un dos dia mas riba lama anto ta nos tur cuater tabata difunto”. Beto a sigi.

Pero e anochi di „Yaque” e hapor cu a salta nan a jega. Seemal un no por a duaa awa ya cu e bateria di 12 volt cu un tin abordo a cuba por completo. Y Beto tabata mustra cu su man com cerca di nan e hapor Yaque a pasa canto di nan, despues cu e principalmente tabata hiba man y grita cu su stem heers. Esaki no tabata en vano, ya cu e „look-out” di e bapor a mira Gladys den e seguridad di e anochi ey. Pero e hombernan a hordo di Gladys a kere cu nan no a ser mira, ya cu e bapor a sigi su cuninda lagando nan atras. Un juramento largo a sigi despues di esaki, segun cu e hapor tabata bai for di nan.

„Pero mi no por bisa com contento mi tabata ora cu e mesun bapor aki a bira e bolbe binl riba nos.”

Nan a tra un trapi di cabuya pa nos y ami tabata esun di prome pa subi abordo riba mi mes forzanan. Mi ta kere cu Boy (Van de Berg) tambe a subi riba su mes forzanan. Vicente cu Robbie a worde hiza den un brand card carga pa cuater homber d’ e bapor. Un hora y mei e hendenan di e bapor a traha cu super pasenshi pa salba nos. Lo mi no lubida nan salbacion nunca.”

Beto tabata esun cu a encargele pa conta capitan Jensen na aventura riba lama. Mas di e otronan e no a



E Ministro Presidente di Hulanda prof. dr. J. E. de Quay na momento cu na aeropuerto el a worde saluda ayera mainta pa diputado E. O. Petrona. Despues di esaki den hall e Premier a worde brinda un homenahe chikito door di e coro di Rhoda Frigerio y Mariachi Aruba. Massha imprei-na Premier de Quay a keda ta e recepcion aki.

mira despues. „Soppie cu lechi cajente nos a hanja for di e tripulacion. E difunto cu te ainda tabata na bida tambe a come. Riba cana den e bapor, drumi banda pa zuid di mi, mi a mira di pronto com su wowonan a cuminsa cambia, su rosea tabata cabando y rato despues e momento fatal a jega. Asina Beto a conta e tragedia cu nan a pasa riba lama. Un homber cu no ta spanta asina usina y cu subi com contene su mes. Sin embargo e tabata mustra hopi zwak. Cuarenta liber perdi den 19 dia ta haci hopi influencia riba salud di un ser humano.

## Trato carinioso na Panama

E tresnan a conformanan mes cu e baida di nan ruman y companero Vicente. Nan a secape, pero esaki no a kita cu nan tabatin mester e cuidio di mas bon posibel. Y esaki nos a hanja tur momento na Panama. „Nos a keda den Coco Solo hospital, un hospital pa marineronan na Colon, y e difunto a keda na un otro hospital na Bilbao. E trato den hospital tabata excelente. Nos a hanja pido pa drumi, pido di forza y e cuminda tabata bon. Tres or di marduga, ora cu nos a drumi algun horas, nos a ser lanta pa periodistanan na Panama pa duna informacion. Tur cos tabata bon aya. Principalmente e atencion cu nos a hanja di Consul di Hulanda na Panama, sr. Julio Salas, un Curazolenjo, y su jiu homber Harold. E servicio cu nan a duna nos no tin palabra pa gradici nan. Ta e consul aki mi a laga encarga cu „Gladys” pa e drechele y bendele pami.”

„Y Beto bo no ta pensa anto di bai lama mas?”, tabata un otro pregunta.

„Nunca mas”. Beto a contesta agregando mesora su tras, „talvez pa bai landa un rato canto di awa. Mi ta bai traha awor na tera. E aventura cu nos a pasa aden tabata hopi pisa pami.”

„Por ultimo Beto Solognier, e unico homber di lama abordo di „Gladys”, a suplica nos pa gradici tur instancia nan local, cu den ki forma cu ta a duna nan cooperacion durante y despues di nan aventura riba lama. „Mi no por menciona number, pasobra mi no tabata na Aruba.”

## ACTIVIDAD PA ATRAE MIEMBRO PA „WIT GELE KRUIS”

ORANJESTAD — E sociedad Wit Gele Kruis na Aruba ta cuminsa cu actividadnan pa atrae mas miembro. Awe nochi for di nuebe or te pa un cuarto pasa di nuebe Voz di Aruba lo transmisi un conversacion entre senjores Jos van der Schoot com lder d’ e interesista y Wil de Graaff, president di e sociedad. E tema di e actividadnan aki ta: „Op Aruba in ieder huis - het Wit Gele Kruis”. (Na Aruba den cada cas - Wit Gele Kruis.) E programa aki lo ser transmisi na lugar di „Antillanese Week in Beeld.”

## OCHO VOORTREKKERS DI R.K.V. INSTALA

ORANJESTAD — Diahuebs anochi den Iglesia Santa Theresita na San Nicolas ocho voortrekkers di Paulus-Michael Groep di e R.K. Verkennerij a keda instala. E ceremonia a forma e clausura di varos scie di meditacionnan huntu semanalmente, na unda bau direccion di outbaas B. Koster nan a pensa riba e deherman y importancia di e promesa di un voortrekker. E voortrekkernan nobo ta: Carol Moore, Clemente Wilson, Pedro Tromp, Leo Robles, Edward Charles, Origorio Kook, Dimitro Maduro y Winston Latham.

## PADU DEL CARIBE COMO HEROE

Cont. di pag. 1

Triplalen”, y hopi otro personanan mas a saludele na su bahada cu un fuerte abrazo, pa e trabau grandi cu el a haci pa nos isla. Un trabau exitoso mira den tur banda, pa nos mesico, pa e bon relacion entre Venezuela y Antillas Hulandes y pa nos turismo.

Y Padu a haci esaki di buena voluntad, cu su entusiasmo y buen humor di semper. Cu un kran di flor pasa na garganta y numeroso boeketnan di flor pusha den su brazas damas bonita a atakele. Varios di nan tabatin un sunchi pa e artista, pero despues cu el a caba di entrega esun di dje na su jiu muher Livia. Flornan a worde entrega door di sras. Flor Medina, Celina Boli na number di e hubentud di Aruba, Shirley Cardozo na number di e poblacion di Aruba, Heddy Croes na number di su familia, Gwynny Fowler na number di Vivos en Chantant, Maria Bernudez na number di Rhoda’s Musical Show, Vilma Lacle na number di Floristeria Aruba y pa Nina Amena van As na number di Arubanse Kunstkring.

Padu y esnan cu a sigiuele mester a traha caminda pa e pasa entre tur e hendenan, cu tabata aplaudiele freneticamente. Y pa tur Padu tabatin su sonrisa di semper.

Bau di un tension enorme el a para scucha, brazas cu su jiu muher Livia, e homenahe cu artistanan local a dunele. E coro di damas y caballeros bau direccion di sra. Rhoda Steenhuisen Frigerio a habri cu Aruba dushi tera, cu e mainta aki a resona mas dushi cu nunca den Padu su oreanan. E tension tabata crece mas den nos artista stima. Su corazon tabata bati. E kier bisa algo pero e ta contene su mes, primiendo su jiu muher mas duro den su brazas. E homenahe tabata mucho pe. Trio Los Aventureros a sigi cu „Aruba”, e isla mas bonita cu nan conoce, y cu a worde acompaña pa hopi di e presentenan cu tambe no kier a sconde nan admiracion pa Padu del Caribe. Y por ultimo tabata Mariachi Aruba cu a jama Padu bon bini cu un poika instrumental, pa cual nan y tur e otro artistanan a hanja un apretion di man fuerte for di Padu.

Por ultimo tabata sr. Miguel Nuceti Paoli, Consul General di Venezuela na Aruba, kende a bini felicitá Padu cu su exito y pa e folklore di Aruba cu el a hiba Venezuela. Padu na su turno a dirigi su mes na e consul cu tabata un oportunidad grandi pe pa juda cu su musica na estrecha mas ainda e lazonan di amistad entre Aruba y Venezuela. Despues cu un voz tormentosa pa e tension cu e tabata pasando aden Padu del Caribe a expresa den su Papiamentu keru palabranan na e poblacion di Aruba curashandofan pa sigui dunan cooperacion na e musica di Aruba pa mannan agrupacionan musical por sali di Aruba pa Venezuela y otro paisnan den exterior. Cu esaki sr. Nicolas Piña a informa cu e homenahe a termina oficialmente. E publico despues a rondona Padu pa brazale y felicitá pa e hecho cu el a demostra e valornan di un Arubano den un pais exterior na un manera asina convincente.

## Rusonan a lanza di cinco vehiculo-nan di espacio

MOSCU. 26 maart. — Diasabra Rusonan a lanza nan di quinto vehiculo di espacio den orbita rond di mundo, y despues a trece back na mundo pa medio di un sinjal haci for di mundo. E vehiculo a ateriza na e lugá na Union Sovietica, cual a worde stipula pe. Asina e agensia di prensa Tass ta anuncia.

E vehiculo tabatin un cacho, jama Estrella abordo y ademá otro orgenismonan hio. For dje prome consulta por a constata cu condicion dje cacho ta normal.

E vehiculo di espacio a pisa 4.600 kg. y den algo menos cu un ora y mei el a pasa rond di mundo cu un altura cual ta varia entre 180 te 250 kilometer.

## HOROSCOOP

ARIESNAAN  
(1 Maart — 21 April)



E periodo di luna aqui ta excelente pa terminacion di tur asunto nan bieu.

TAURISNAAN  
21 April — 21 Mei



No langa ningun chens pasa pa bo mehora relacion cu otro, maske com cu nan ta.

GERMINENAN  
22 Mei — 21 Jun



Consideracionnan financier a ta huci necesario pa bo emponja na un mehoracion di situacionnan.

CANCERNAN  
22 Jun — 23 Jul



Ta deseable cu den proxima semannan bo drecha tur loque b’a descuida.

LEONAN  
24 Jul — 23 Augustus



Awe ta amigunanan ta bo proteccion. Ta nan advies ta bon pa bo sigui awe. Hui tur problema.

VIRGONAN  
24 Augustus — 23 September



E dia di awe ta parce massha druk. Algun bruchacion lo existi tambe hopi di bo tempo.

LIBRANAN  
24 September — 23 October



Aspectonan dje dia di awe lo yuda bo den bo trabao, den cumplimiento cu bo deber.

SCORPIONAN  
14 October — 22 November



Liquida trabounan cu ainda no ta termina. Drecha contactonan hopi dia descuida.

SAGITARIUSNAAN  
13 November — 21 December



Dirigi bo atencion riba banda financier di tur asunto. No tuma decisionnan mucho lihe.

CAPRICORNUSNAAN  
22 December — 20 Januari



Asuntunan di partners of cooperadornan mester goza awe di preferencia.

ACUARIUSNAAN  
21 Januari — 19 Februari



Esaki ta un bon dia pa paga atencion na bien nan movible y o ro propiedadnan di balor.

PISCES  
20 Februari — 20 Maart



Esaki ta un bon dia den sentido objetivo, pero tambe den amor y matrimonio.

## Belganan a bai urna electoral awe

BRUSSEL. 26 maart. — E Belganan a bai urna di eleccion awe pa e legi un representacion nobo di pueblo. Na e oficina di eleccion unda prins Albert mester a vota, tabatin poco bruhamento door cu nan no por a hanja su kaarehi di vota. Pero a resulta cu e prins mester a vota den un otro edificio.

## Merca ta lucha pa mantene paz

WASHINGTON, 26 maart. — Den circulan generalmente bon informacion Washington ta worde anuncia cu gobierno di Kennedy ta perde speranza d’a pa dia cu lo por jega na un acuerdo tocante prohibicion di experimentacion di arma atomica, awor cu e negociacionnan ja tin un siman caba ta tuma lugá. Ma di n’ingun manera nan lo no kibra e negociacion aki. Nan ta di opinion cu e proposicionnan noho lo ta un prueba pa mundo, cu emerald Merca ta lucha pa jega na un acuerdo.



# Airconditioning ? CARO ?

Abo tambe ta pertenece na e hendenan cu ta pensa cu airconditioning ta costa bo hopi placa?

Anto ta tempo caba pa bo pasa conversa cerca nos, pa nos por mustrabo cu cifra, cu e gastonan no ta tanto manera bo ta kere. Ademas ta bini acerca, cu den un cas y kantoor aireacondicionado bo ta hanja hopi mas capacidad, por lo cual bo ingreso lo crece y bo trabao lo bira tur dia un alegria.

VERDAD AIRCONDITIONING TA MAS BARATA CU BO TA PENSA.

N.V. ELECTRICITEIT-MAATSCHAPPIJ "ARUBA"









# CISCO KID

1. „Esta boy nos plan a sali, Cisco?” 2. „Ningun hende no a mira nos subit?”



# JUAN EL INTREPIDO

1. „Sarina... si ta imposibel pa avisa e premier via radio, nos lo bay en persona.” „Asina, nos lo haci.” Juan! Nos lo entrega e mensahe... y Sarina lo juda nos!” 2. „Boso no ta sustia mi, señores, lo mi juda boso te na unda ta conveni mi...” 3. „Mi ta asunto pa regla cu Jarj... y lo mi haci tur cos na mi manera!”



# DICK TRACY

1. „Awor e dificultad ta, na unda e uniform di e eria ta?” Y paquico nan a camufla su panja?” 2. „Por si acaso, Liz, bo a heria cu el kende e lighter ta?” „E no ta pertenec na ningun di e fotografian, Sam. Paquico?” 3. „Mi ta puntra mi mes cu e no por tabata pertenec na ESEY?” „No chanza!” 4. „O.K., pero awor laga nos busca e uniform di e miher ey.” „Si e mester ta den e camer aki!”



# RIP KIRBY

1. „Bonoche! Desmon! Manja nos lo examina e res-ton di e auto aki mehor.” „O.K., señor!” 2. Bata ora despues, un leve ruido ta despierta Kirby....



# EL PRECIO DEL TRIUNFO

1. „Nos lo mezcla skimen-to cu negoshi. Lalo. A propo-sito, bo sabi cu mi ta les-sica ta aya den mi tes- val di ski?” 2. „No. Pero lo mi ta contento di miré atrobe, sis- Boswor!” „Ta promer vez cu mi ta permit bay su so Eu-ro-pa...” 3. „Bo ta preocup- pa p'e, Paula?” „Mi no sa, Ben... quizás mi ta worry por nada... nos ta sali otro siman!”



# EL DIARIO DE UNA VIDA

1. „E reunion di lora por cuminsa! Cuminsa abo, Tula. Biso bo amigania con bo ta sinti bo ora bo ta enamora y a punto di casa... y...” 2. „E poetisa Elisabeth Brow- ning a bisa na un modo ex-celente, muchanan... y mi no por competi cune. E ta den su poesianan...” 3. „Boso leza nan. Mi ta bay compra mi „trousseau”...”



# PEPITA

1. „Hasi libé! Cose e zapa-to aki pa mi promer cu e busa!” 2. „Ate e busa a je-ga!” „Mi no a caba ainda!” 3. „Haci libé!” 4. „Esta un traban esaki ta!”



**Polisnan di Stockholm a haci un ban trabau ora cu den kapital di Suecia nan a arresta un Polaca cu den su auta tabatin na menos cu 12 kilo di ora puro den un tas. A resulta cu ta di cantrabanda e ora aki a drenta Suecia door di un comerciante di Belgica, kende tambe un paar di ora despues par a warda arresta. Ora cu polisnan a bai lista e apartamento di e Sueca nan a hantia entro atra mas ora, dallar mericano y canades, holashi y prenda y jayas. Riba e portret aki, por weita un dauanero tainspecta un parti di e botin castasa.**

## Declaracion di Felix Bertrand prome di bandona Bangkok

MANILLA, 26 maart — E ministro Philipino di relaciones exteriores, Felix Bertrand a declara awe na Manilla prome cu e sali pa Bangkok, cu situacion ta critica na Laos y cu lo mester tuma un decision durante e reunion di consejo di Pacto Aziatico.

Nos lo haci tur nos posibel pa yega na un solucion pacifico. Pero si tur nos esfuerzan ta en vano, anto nos lo ta obliga di cumpli cu nos deber- ta mester ta stipula cu, pacto Asi- tico, asina e prime ministro Bertano a declara.

15 helicopter a lega Thailand diezencio helicopter die septima flo a di marina Mericano a jega na Thailand.

Embahador Mericano na Vientiane a confirma cu e helicopternan aki ta na caminda pa Laos.

Segun circulonan diplomatico na Bangkok, Inglaterra a bisa Rusia, cu si te d'aluna e no duna ningun con- testa riba e proposicion pa resabiee paz na Laos, anto e consejo di ministro di Pacto Asiatico, cu ta reuni dia- luna na Bangkok, lo mester stipula acitug di e organizacion menciona na Laos.

Conseheronan militar di pacto die

## Welga di correo i telegraf na Roma

ROMA, 24 maart. — 65.000 trahadornan di correo y telegraf na Italia a cuminsa un welga pa aumento di sueldo. Servicio di telefon no ta tuma parti na e welga.

## Anuncio di agencia „Tass”

MOSCU, 25 maart. — Awe un di cinco raket a ser lanza cu exito pa e Rusonan. E Rusonan a logra recupera e raket na e lugar designa pa esey na Union Sovietica. Esaki a ser anuncia pa a agencia Tass.

## Un avion Brazi- lenjo a cai na Natal

RIO DI JANEIRO, 26 maart. — Un avion di compania de navegacion aerea Braziliano, Correio Aereo Nacional, a cai na Natal. Esaki ta situa den estado Rio Grande Do Norte. Di e 28 personanan cu tabatin abordo, 21 a perde nan bida. E avion tabatin militarnan cu nan famianan abordo na caminda di Rio de Janeiro pa Belem.

## Temblornan formal na ciudadnan di Sicilia

MESSINA, 26 maart. — E dos ciudadnan di Sicilia, Messina y Reggio Calabria, cu ta situa enfrente di otro den e estrecho di Messina, a su- fri algun temblor, di cual dos tabata fuerte. No tabatin morto. E habitan- tenan a bandona nan cas den panico pero despues calma a regresa.

Algun cas y edificionan a sufri dan- jo, pero e dano ta menos cu a ser calcula anteriormente.

## Resolucion acepta pa comision politica di N.U.

NEW YORK, 26 maart. — E comision politica social di Nacionnan Uni diabiernes a acepta un resoluc- on cu 71 voto na favor y cero contra den cual ta pidi Sudafrica pa cuminsa ne- gociacionnan cu India y Pakistan to- cante trato di e hendenan descendien- te d' India, na Sudafrica. Na e otro niemhronan di Nacionnan Uni a ser haci un peticion pa duna nan mior cooperacion na esaki. Hulanda a vo- ta na favor di e resolucion pasobra, segun e delegado Fein a declara, go- berno Hulandes a jega na e conclu- sion cu objecionnan contra cualquier discriminacion racial ta peor cu cual- quier otro consideracionnan cual con- sidera riba nan mes, por a hustifica abstencion.

## A perde un avion Mericano

WASHINGTON, 26 maart. — E avion Mericano cu ta na d'sposicion di atache di fuerza aerea na Oslo, ya tin dos dia cu a perde. Tabatin ocho homber abordo.

## Arrestacionnan na Istanbol

ISTANBUL, 25 maart. — Don a- oochi di dialuchas pa man'e dia- viernes 23 persona a worde arresta na Istanbul. E arrestacionnan aki a worde haci en conexion cu e activi- dadnan clandestino cu ta tuma lugar, pa bolbe lanta partido democratico, cu a kibra dia 27 di maart durante e revolucion.

## Terrorista a tres- lada pa Loanda

LISBOA 25 maart. — Awe d'e- cuater prisionero terrorista a worde trasladado cu avion pa Luanda.

Segun no icianan for di Angola en- tre e prisioneronan aki tabatin tres miembro die gobierno provisional di corte di Angola.

## Welga general na Nieuw Caledonie

NOUMEA, 24 maart. — Despues cuater dia tabatin un welga general riba e isla Nieuw Caledonie, e sindicatonan a dicidi ayera pa duna orden pa rean- da trabounan.

E huelga tabata como protesta con- tra anulacion di celebracion di dia di obrero.

## Bishita oficial di Tito na R.A.U.

CAIRO, 2 maart. 4.— E president di Jugoslavia, mariscal Tito, lo haci un bishita oficial na Republica Araba Uni. Mariscal Tito lo sali dia 17 di april y ta permanece cinco dia na Republica Araba Uni.

## Welga di 10 minuut na Cuba pa maestronan

HAVANA, 24 maart. — Tur maes- tronan di scol di Cuba a welga awe durante diez minuut como acto di solidaridad pa cu nan companjeronan di Peru cu a stop di traha.

**Premier De Quay diasabra mainta a bishita e campamento di mariniers na Suffisant (Corsow) na unda e oficialnan a worde presenta den e longroom. E premier a inspecta e campamento y mas laat den dia a bishita e ferreno di Shell Curacao N.V. Riba e portret momen- to cu prof. De Quay ta salu- da e comandante di e mari- ne-kazerne.**

